

CENTRALNA BANKA
BOSNE I HERCEGOVINE
Broj: 150-15-4-20-11 /19 SR
Sarajevo, 12.02. 2019. godine

Na osnovu člana 69. stav (2) tačka d), člana 70. stav (4) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o poništenju postupka javne nabavke usluga obezbjeđenja avio karata za potrebe Centralne banke Bosne i Hercegovine, putem otvorenog postupka

Član 1.

Ovom odlukom poništava se postupak javne nabavke usluga obezbjeđenja avio karata za potrebe Centralne banke Bosne i Hercegovine, putem otvorenog postupka, procijenjene vrijednosti u iznosu od 98.000,00 KM (slovima: devedesetosamhiljada konvertibilnih maraka i 00/100), iz razloga što niti jedna od primljenih ponuda nije prihvatljiva.

Član 2.

Za realizaciju ove odluke zadužuju se Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke Bosne i Hercegovine, www.cbbh.ba, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga obezbjeđenja avio karata za potrebe Centralne banke Bosne i Hercegovine, putem otvorenog postupka, pokrenut je Odlukom o pokretanju postupka, broj: 150-15-4-3098-2/18 SR od 28. decembra 2018. godine. U skladu s tim, Centralna banka je 03. januara 2019. godine na portalu Javnih nabavki objavila Obavještenje o nabavci broj: 1370-1-2-1-3-1/19.

Urađene su i dvije ispravke obavještenja o nabavci broj: 1370-1-2-1-8-38/19 od 17.01.2019. godine i broj: 1370-1-2-1-8-66/19 od 01.02.2019. godine.

Krajnji rok za prijem ponuda bio je 05.02.2019. godine. Komisija za provođenje postupka javne nabavke je konstatovala da su u predviđenom roku primljene 2 ponude sljedećih ponuđača:

- GAUDI d.o.o. Sarajevo, Trg međunarodnog prijateljstva, u iznosu od 1.800,00 KM bez PDV-a
- V.I.P. Travels d.o.o. Sarajevo, Zelenih beretki bb, u iznosu od 152,10 KM bez PDV-a

Navedeni iznos odnosi se na vrijednost provizije za usluge rezervacije avio karata, dok je zaključenje okvirnog sporazuma predviđeno na iznos od 98.000,00 KM bez uračunatog PDV-a.


Komisija za nabavke je utvrdila da je ponuda ponuđača GAUDI d.o.o. Sarajevo, neprihvatljiva u pogledu oblika, sadržaja i potpunosti. Ponuda ne sadrži Spisak izvršenih ugovora. Ponuđač je umjesto potvrda o uredno izvršenim ugovorima dostavio izjave korisnika (PORSCHE BH d.o.o. Sarajevo, INT BH d.o.o. Sarajevo i The Headhunter d.o.o. Sarajevo). Iste su nepotpune jer ne sadrže mjesto izvršenja usluga. Izjava INT BH d.o.o. Sarajevo je izdata dana 14.01.2017. godine i odnosi se na period izvršenja usluga u posljednjih 12 mjeseci, a TD dokumentacijom je traženo uspješno iskustvo u realizaciji ugovora u posljednje dvije godine (2017. i 2018. godina s tim da će se u obzir uzeti i uspješno realizovani ugovori u 2019. godini). Ponuđač nije dostavio Nacrt okvirnog sporazuma iz Izmjene i dopune TD. Dostavio je nacrt okvirnog sporazuma iz prvobitne TD, koja je kasnije izmijenjena.


Ponuda ponuđača V.I.P. Travels d.o.o. Sarajevo nije prihvatljiva u pogledu oblika, sadržaja i potpunosti. Stranice ponude nisu numerisane, na način kako je to određeno tenderskom dokumentacijom (D-PODACI O PONUDI – 1. Sadržaj ponude i način pripreme ponude).

Imajući u vidu da niti jedna od primljenih ponuda nije prihvatljiva, donesena je odluka kao u dispozitivu, u skladu sa čl. 69. stav (2) tačka d) Zakona o javnim nabavkama.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 (deset) dana od dana prijema ove odluke.

GUVERNER

dr. Senad Softić



Dostaviti:

- Uredu guvernera
- Viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku i članovima Komisije
- Odjeljenju za računovodstvo i finansije (original)
- Odjeljenju za zajedničke poslove
- Odjeljenju za javne nabavke (original)
- u spis predmeta (original)
- arhiva